

唐  
音  
統  
籤

丁籤九十三白居易

之四十六

唐音統籤卷

四百四十五

七言半律

縣西郊秋寄贈馬造

為尉時作以下前集

紫閣峰西清渭東野煙深處夕陽中  
風荷老葉蕭條綠水蓼殘花寂寞紅  
我厭宦遊君失意可憐秋思兩心同

過高將軍墓

原上新墳委一身城中舊宅有何人  
妓堂賓閣無歸日野草山花又欲春  
門客空將感恩淚白楊風裏一靈巾

感芍藥花寄正一上人

今日堦前紅芍藥，幾花欲老幾花新。  
開時不解比色相，落後始知如幻身。  
空門此去幾多地，欲把殘花問上人。

重題西明寺牡丹

時元九在江陵

往年君向東都去，曾歎花時君未迴。  
今年况作江陵別，惆悵花前又獨來。  
只愁離別長如此，不道明年花不開。

盧侍御小妓乞詩座上留贈

鬱金香汗裏，歌巾山石榴。  
花染舞裙好，似文君還。

對酒勝於神女不歸雲夢中那及覺時見宋玉悲  
王應羨君

山中與元九書因題書後

居易在江州與微之書末云作此書

夜正在草堂中山窓下信手把筆隨意亂

書封題之時不覺欲曙舉頭忽見幽齋一

雨人或坐或睡又聞山猿谷鳥哀鳴啾啾

平生故人去我萬里瞥然塵念此際暫生

餘習所牽便成三韻云

此夕我心君知之手

憶昔封書與君夜金鑿殿後欲明天今夜封書在

何處廬山菴裏曉燈前籠鳥檻猿俱未死人間相

見是何年

十二年冬江西溫煖喜元八寄金石稜到因

題

今冬臘後不嚴凝  
煖霧溫風氣上騰  
山脚崦中纔有雪  
江流慢處亦無冰  
欲將何藥防春瘴  
只有元家金石稜

李白墓

采石江邊李白墳  
遶田無限艸連雲  
可憐荒壠窮泉骨  
曾有驚天動地文  
但是詩人多薄命  
就中淪落不過君

種桃杏

無論海角與天涯  
大抵心安卽是家  
路遠誰能念

鄉曲年深兼欲忘京華忠州且作三年計種杏栽  
桃擬待花

感櫻桃花因招飲客

櫻桃昨夜開如雪鬢髮今年白似霜漸覺花前成  
老醜何曾酒後更顛狂誰能聞此來相勸共泥春  
風醉一場

聞夜砧

誰家思婦秋擣帛月苦風淒砧杵悲八月九月正  
長夜千聲萬聲無了時應到天明頭盡白一聲添  
得一莖絲

板橋路

梁苑城西二十里一渠春水柳千條苦爲此路今  
重過十五年前舊板橋曾共玉顏橋上別不知消  
息到今朝

九江北岨遇風雨

黃梅縣邊黃梅雨白頭浪裏白頭翁九江濶處不  
見岸五月盡時多惡風人間穩路應無限何事拋  
身在此中

題孤山寺山石榴花示諸僧衆

山榴花似結紅巾容艷新妍占斷春色相故關行

道地香塵擬觸坐禪人瞿曇弟子君知否恐是天  
魔女化身

留別郡齋 以下後集

吟山洲水嘲風月便是三年官滿時春爲醉眠多  
閉閣山因晴望暫塞帷更無一事移風俗唯化州  
民解詠詩

蘇州柳

金谷園中黃嫋娜曲江亭畔碧婆娑老來處處行  
應徧不似蘇州柳最多絮撲白頭條拂面使君無

計柰春何

婆娑  
作飛娑



臨都驛送崔十八

勿言臨都五六里扶病出城相送來莫道長安一  
步地馬頭西去幾時廻與君後會知何處爲我今  
朝盡一杯

自解 病中詩

房傳往世爲禪客 世傳房太尉前生爲禪僧與婁  
師德友善慕其爲人故今生有  
婁之遺 王道前生應畫師 王右丞相書云宿世  
是詞客前身應畫師 我  
亦定中觀宿命多生債負是歌詩不然何故狂吟  
詠病後多於未病時

對酒有懷寄李十九郎中

往年江外拋桃葉

結之也

去歲樓中別柳枝

樊登也

寂

寞春來一盃酒此情唯有李君知吟詩舊句情難

忘風月何時是盡時

李君常有悼故妓詩云直應人世無風月始是心中忘却

時故云

### 閏九月九日獨飲

黃花叢畔綠樽前猶有些些舊管絃  
偶遇閏秋重九日東籬獨酌一陶然  
自從九月持齋戒不醉重陽十五年

### 不准擬二首

藍羣騰騰一老夫褐裘烏帽白髭鬚  
早衰饒病多

蔬食筋力消磨合有無不準擬身年六十上山仍  
未要人扶

憶昔謫居炎瘴地巴猿引哭虎隨行多於賈誼長

沙苦子自左遷江  
峽比經七年小校潘安白髮生不準擬身年

六十遊春猶自有心情

問支琴石

擬因星隕空中落歎被泥埋澗底沉天上定應騰

地上支機未必及支琴提携拂拭知恩否雖不能

言合有心

三月晦日晚聞鳥聲

晚來林鳥語殷勤似惜風光說向人遣脫破袍勞  
報煖催沽美酒敢辭貧聲聲勸醉應須醉一歲唯  
殘半日春

題龍門堰西澗

東岼菊葉西岼柳柳陰煙合菊花開一條秋水疏  
璃色澗狹纔容小舫迴除却悠悠白少傅何人解  
入此中來

七言排律

十年三月三十日別微之於澧上十四年三  
月十一日夜遇微之於峽中停舟夷陵三宿

而別言不盡者以詩終之因賦七言十七韻  
以贈且欲記所遇之地與相見之時爲他年

會話張本也

以下前集

澧水店頭春盡日送君上馬謫通川夷陵峽口明  
月夜此處逢君是偶然一別五年方見面相携三  
宿未迴船坐從日暮唯長歎語到天明竟未厭齒  
髮蹉跎將五十關河迢遞過三千生涯共寄滄江  
上鄉國俱拋白日邊往事渺茫都似夢舊遊零落  
半歸泉醉悲灑淚春盃裏吟苦支頤曉燭前其間  
龍鍾惡官職且聽清脆好詩篇

微之別來有新詩  
數百篇麗絕可愛

別來只是成詩癖老去何曾更酒顛各限王程須

去住重開離宴貴留連黃牛渡北移征棹白狗崖

東卷別筵黃牛白狗皆峽中地名即與微之遇別之所也神女臺雲閣繚

繞使君灘水急潺湲風婁暝色愁楊柳月弔宵聲

哭杜鵑萬丈赤幢潭底日一條白練峽中天君還

秦地辭炎徼我向中州入瘴煙未死會應相見在

又知何地復何年

謝元郎中同制加朝散大夫書懷見贈

命服雖同黃紙上官班不共紫垣前青衫脫早羞

三日白髮生遲校九年曩者定交非勢利老來同

病是詩篇終身擬作卧雲伴  
逐月須收燒藥錢  
五品足爲婚嫁主  
緋袍著了好歸田

七言十二句贈駕部吳郎中七兄

時早夏朝  
歸閉齋獨

處偶題  
此什

四月天氣和且清  
綠槐陰合沙堤平  
獨騎善馬銜  
綬纒初著單衣  
肢體輕退朝下直少徒  
假歸舍閉門無送迎  
風生竹夜窸聞  
臥月照松時臺上行  
春酒冷嘗三數盞  
曉琴閒弄十餘聲  
幽懷靜境何人別  
唯有南宮老駕兄

花樓望雪命宴賦詩

連天際海白皚皚好上高樓望一迴何處更能分  
道路此時兼不認池臺萬重雲樹山頭翠百尺花  
樓江畔開素壁聯題分韻句紅爐巡飲煖寒盃冰  
鋪湖水銀爲面風卷汀沙玉作堆絳惹舞人春艷  
曳勾留醉客夜徘徊偷將虛白堂前鶴失却樟亭  
驛後梅別有故情偏憶得曾經窮苦照書來

微之整集舊詩及文筆爲百軸以七言長句  
寄樂天次韻酬之餘思未盡加爲六韻

重寄

以下  
後集

海內聲華併在身篋中文字絕無倫

美微之也

通知獨



對封章草忽憶同為獻納臣走筆往來盈卷軸

子與

微之前後寄和詩數百篇近代無如此多有也

除官遞互掌絲綸

予除中書舍人

微之撰制詞微之除翰林學士于撰制詞

制從長慶辭高古

微之長慶初知制誥

文俗高古始變俗體繼者効之也

詩到元和體變新

衆稱元白爲千字律詩成

號元

各有文姬才稚齒

蔡邕無兒有女琰字文姬

俱無過子繼

餘塵

陶潛小兒名通子

琴書何必求王粲與女猶勝與外

人

### 雪中卽事答微之

連夜江雲黃慘澹平明山雪白模糊銀河沙漲三

千里梅嶺花排一萬株北市風生飄散麩東樓日

山照凝酥誰家高士關門戶何處行人失道途舞  
鶴庭前毛稍定擣衣礎上練新鋪戲團雜女呵紅  
手愁坐衰翁對白鬚壓瘴一州除疾苦呈豐萬井  
盡歡娛潤含玉德懷君子寒助霜威憶大夫莫道  
煙波一水隔何妨氣候兩相殊越中地煖多成雨  
遠有瑤臺瓊樹無

重題別東樓

東樓勝事我偏知氣象多隨昏旦移湖卷衣裳白  
重疊山張屏障綠參差海仙樓塔晴方出江女笙  
簫夜始吹春兩星攢尋蟹火秋風霞颭弄濤旗

餘杭

風俗每寒食雨後夜麻家持蠟尋蟹動盈  
萬人每歲八月迎痛弄水者悉舉旗幟焉  
宴宜

雲髻新梳後曲愛霓裳未拍時太守三年嘲不盡

郡齋空作百篇詩

### 憶杭州梅花因敘舊遊寄蕭協律

三年闕闕在餘杭曾爲梅花醉幾場伍相廟邊繁

恨盡孤山園裏麗如粧躡隨遊騎心長惜折贈佳

人手亦香賞自初開直至落歡因小飲便成狂薛

劉相次埋新壠沈謝雙飛出故鄉薛劉二客沈謝  
二妓皆當舞

酒之侶歌伴酒徒零散盡唯殘頭白老蕭郎

### 登闔門開望

闔門四望鬱蒼蒼始覺州雄土俗強十萬夫家供  
課稅五千子弟守封疆閣閭城碧鋪秋草烏鵲橋  
紅帶夕陽處處樓前飄管吹家家門外泊舟航雲  
埋虎寺山藏色月耀娃宮水放光曾賞錢塘兼茂  
苑今來未敢苦誇張

泛太湖書事寄微之

煙渚雲帆處處遙飄然舟似入虛空玉杯淺酌巡  
初匝金管徐吹曲未終黃夾纈林寒有葉碧琉璃  
水淨無風避旗飛鷺翩翩白鷺鼓跳魚拔刺紅澗  
雪壓多松偃蹇巖泉滴久石玲瓏書爲故事留湖

上所見勝景多記  
在湖中石上吟作新詩寄浙東軍府威容從

道盛江山氣色定知同報君一事君應羨五宿澄  
波皓月中

九日寄微之

眼闇頭風事事妨  
遶籬新菊爲誰黃  
閒遊日久心慵倦  
痛飲年深肺損傷  
吳郡兩回逢九月  
越州四度見重陽  
怕飛杯酒多分數  
厭聽笙歌舊曲章  
蟋蟀聲寒初過雨  
茱萸色淺未經霜  
去秋共數登高會  
又被今年減一場

和令狐相公新於郡內栽竹百竿拆壁開軒

旦夕對翫偶題七言五韻

梁園修竹舊傳名久廢年深竹不生千畝荒涼尋  
未得百竿青翠種新成牆開乍見重添興應靜時  
聞別有情煙葉蒙籠侵夜色風枝蕭颯欲秋聲更  
登樓望九堪重千萬人家無一莖

汴州人家並無竹

詠家醞十韻

獨醒從古笑靈均長醉如今孰伯倫舊法依稀傳

自杜

康

新方要妙得於陳

陳鼎中帖傳受此法

井泉王相資

重九麴藥精靈用上實

水用九月九日麴用七月上實

釀糯豈勞

炊范黍撤籩何假漉陶巾常嫌竹葉齋凡濁始覺

榴花不正真甕揭開時香酷烈餅封貯後味甘辛  
捧疑明水從空化飲似陽和滿腹春色潤玉壺無  
表裏光搖金盞有精神能消忙事成團事轉得憂  
人作樂人應是世間賢聖物與君還往擬終身

謝別微之

臨都驛  
辭後作

望頭峽口錢塘岸三別都經二十年且喜筋骸俱  
健在勿嫌鬢髮各皤然若歸北闕朝天帝我性來  
京作地仙博望自來非棄置承明重入莫拘牽  
收盃杓停燈語塞展禽欄對枕眠猶被分司官繫  
絆送君不得過甘泉

新製綾襖成感而有詠

水波文襖造新成綾軟絲勻溫復輕晨興好擁向  
陽坐晚出宜披蹋雪行鶴擎毳踈無實事木棉花  
冷得虛名宴安往往歡侵夜臥穩昏昏睡到明百  
姓多寒無可救一身獨煖亦何情心中爲念農桑  
苦耳裏時聞飢凍聲爭得大裘長萬丈與君都益  
洛陽城

拜表迴闕遊

玉珮金章紫花綬紵衫藤帶白綸巾晨興拜表稱  
朝士晚出遊山作野人達磨傳心令息念玄元留



語遣同塵八關淨戒齋銷日一曲狂歌醉送春酒  
肆法堂方丈室其間豈是兩般身

詩酒琴人例多薄命予酷好三事雅當此科  
而所得已多爲幸斯甚偶成狂詠聊寫愧懷  
愛琴愛酒愛詩客多賤多窮多苦辛中散步兵終  
不貴孟郊張籍過於貧一之已歎關於命三者何  
堪併在身只合飄零隨草木誰教凌厲出風塵榮  
名厚祿二千石樂飲閒遊三十春可得無厭時咄  
咄猶言薄命不如人

春早秋初因時卽事兼寄浙東李侍郎

壽早秋初晝夜長可憐天氣好年光和風細動簾  
帷煖清露微凝枕簟涼窓下曉眠初滅被池邊晚  
坐乍移床閒從蕙草侵堦綠靜任槐花滿地黃理  
曲管絃聞後院熨衣燈火映深房四時新景何人  
別遙憶多情李侍郎

春日題乾元寺上方最高峯亭

危亭絕頂四無鄰見盡三千世界春但覺虛空無  
障礙不知高下幾由旬迴看官路三條線却望都  
城一片塵賓客暫遊無半日王侯不到便終身始  
知天造空閒境不爲忙人富貴人

枕上作 病中詩

風疾侵凌臨老頭血凝筋滯不調柔甘從此後支  
離臥賴是從前爛熳遊迴思往事紛如夢轉覺餘  
生杳若浮沿氣自能充靜室驚鷗何必蕩虛舟腹  
空先進松花酒膝冷重裝桂布裘若問樂天憂病  
否樂天知命了無憂

會昌二年春題池西小樓

花邊春水水邊樓一坐經今四十秋望月橋傾三  
遍換採蓮船破五迴修園林一半成喬木鄰里三  
分作白頭蘇李冥蒙隨燭滅陳樊漂泊逐萍流

丁籤九十三白居易

之四十七

唐音統籤卷

四百四十六

五言絕句

前亭涼夜

以下舊編前集古詩內今改入絕句

露簾色似玉風幌影如波坐愁樹葉落中庭明月

多

早秋獨夜

井梧涼葉動隣杵秋聲發獨向簷下眠覺來半牀

月

禁中

門嚴九重靜窗幽一室閒好是修心處何必在深

山

村雪夜坐

南窗背燈坐風霰暗紛紛  
寂寞深村夜殘鴈雪中  
聞

友人夜訪

簷間清風簟松下明月盃  
幽意正如此况乃故人  
來

北亭獨宿

悄悄壁下牀紗籠耿殘燭  
夜半獨眠覺疑在僧房  
宿

晚望

江城寒角動沙洲  
夕鳥還獨坐高亭上  
西南望遠山

招東隣

小榼二升酒  
新簟六尺牀  
能來夜話否  
池畔欲秋涼

山下宿

獨到山下宿  
靜向月中行  
何處水邊碓  
夜舂雲母琴

琴

置琴曲几上慵坐但含情何煩故揮弄風絃自有  
聲

鶴

人各有所好物故無常宜誰謂爾能舞不如閒立  
時

池畔二首

結構池西廊疏禪池東樹此意人不知欲爲待月  
處

持刀剗密竹竹少風來多此意人不會  
波

禁中秋宿

風翻朱裏幕雨冷通中枕耿耿背斜燈秋牀一人  
寢

出關路

山川函谷路塵土游子顏蕭條去國意秋風生故  
關

照鏡

皎皎青銅鏡班班白絲髮豈復更藏年實年君不  
信

夜雨

香齋說苑 卷四百四十六 三 丁



早蛩啼復歇殘燈滅又明隔窗知夜雨芭蕉先有聲

秋夕

葉聲落如雨月色白似霜夜深方獨臥誰爲拂塵牀

微雨夜行

漠漠秋雲起悄悄夜寒生但覺衣裳濕無點亦無聲

江樓聞砧

江州作

江人授衣晚十月始聞砧一夕高樓月萬里故園

心

宿東林寺

經窗燈焰短僧爐火氣深  
索落廬山夜風雪宿東  
林

夜雪

已訝衾枕冷復見牕戶明  
夜深知雪重時聞折竹  
聲

惠州郡中

鄉路音信斷山城日月遲  
欲知州近遠塔前摘荔  
枝

蓋原縣北樓望山

以下舊編前集律詩

一爲趨走吏塵土不開顏孤負平生眼今朝始見

山

別韋蘇州

爲州時作

百年愁裏過萬感醉中來惆悵城西別愁眉兩不

開

長安送柳大東歸

白社羈遊伴青門羸別離浮名相引住歸路不同

歸

除夜宿洛州

家寄關西住身為河北遊蕭條歲除夜旅泊在洛

州

冬至夜懷湘靈

豔質無由見寒衾不可親何堪最長夜俱作獨眠人

涼夜有懷

未應舉時作

清風吹枕席白露濕衣裳好是相親夜漏遲天氣

涼

病中作

時年十八

久為勞生事不學攝生道年少已多病此身豈堪

老

翰林中送獨孤二十七起居罷職出院

碧落留雲住青冥放鶴還銀臺向南路從此到人

問

問淮水

自嗟名利客擾擾在人間何事長淮水東流亦不

關

宿樟亭驛

夜半樟亭驛愁人起望鄉月明何所見潮水白茫

茫

感髮落

昔日愁頭白誰知未白衰眼看應落盡無可變成  
絲

禁中聞蛩

悄悄禁門閉夜深無月明西窗獨聞坐滿耳新蛩  
聲

秋蟲

切切聞窗下嚶嚶深草裏秋天思婦心雨夜愁人  
耳

憶元九

渺渺江陵道相思遠不知近來文卷裏半是憶君  
詩

晝臥

抱枕無言語空房獨悄然誰知盡日臥非病亦非  
眠

有感

絕絃與斷絲猶有却續時唯有衷腸斷應無續得  
期

荅友問

似玉童顏盡如霜病髮新莫驚身頓老心更老於

身

村居

門閉仍逢雪  
厨寒未起煙  
貧家重寥落  
半爲日高眠

早春

雪散因和氣  
冰開得暖光  
春銷不得處  
唯有鬢邊霜

重寄元九

蕭散弓驚鴈  
分飛劍化龍  
悠悠天地內  
不死會相逢



紅藤杖

交親過漣別車馬到江迴  
唯有紅藤杖相隨萬里來

雨中題衰柳

濕屈青條折寒飄黃葉多  
不知秋雨意更遣欲如何

庾樓新歲

歲時銷旅貌風景觸鄉愁  
牢落江湖意新年上庾樓

遺愛寺

美日臨溪坐尋花  
遶寺行時時聞鳥  
語處處是泉聲

自悲

火宅煎熬地霜松  
摧折身因知羣動  
內易死不過人

問劉十九

綠螿新醅酒紅泥  
小火爐晚來天欲  
雪能飲一杯無

醉中對紅葉

臨風杪秋樹對酒  
長年人醉貌如霜  
葉雖紅不是

春

山中戲問韋侍郎

我抱棲雲志君懷濟世才常吟反招隱那得入山  
來

龍昌寺荷池

冷碧新秋水殘紅半破蓮從來半落意不似此池  
邊

商山路有感

萬里路長在六年身始歸所經多舊館大半主人  
非

太平樂詞二首

已下七首在翰  
林時奉敕撰進

歲豐仍節儉時泰更銷兵聖念長如此何憂不太  
平

湛露浮堯酒薰風起舜歌願同堯舜意所樂在人  
和

小曲新詞二首

霽色鮮宮殿秋聲脆管絃聖明千歲樂歲歲似今  
年

紅裙明月夜碧簾早秋時好向昭陽宿天涼玉漏  
遲

唐音統籤

卷四十四

詞

下

閨怨詞三首

朝憎鶯百轉夜妬燕雙棲不慣經春別唯知到曉啼

珠箔籠寒月紗窗背曉燈夜來巾上淚一半是春水

關山征戍遠閨閣別離難苦戰應顛顛寒衣不要寬

南浦別

南浦淒淒別西風嫋嫋秋一看腸一斷好去莫回

頭

吟元郎中白鬚詩兼飲雪水茶因題壁上

吟詠霜毛句閒嘗雪水茶城中展眉處只是有元家

寄王祕書

霜菊花萎日風梧葉碎時怪來秋思苦緣詠祕書詩

勤政樓西老柳

半朽臨風樹多情立馬人開元一株柳長慶二年春

莫走柳條詞送別

南陌傷心別東風滿把春莫欺楊柳弱勸酒勝於  
人

怨詞

奪寵心那慣尋思倚殿門不知移舊愛何處作斷  
恩

不睡

燭短寒缸盡聲長曉漏遲年衰自無睡不是守三  
戶

宿陽城驛對月

別故尋回駕妻孥未出關鳳凰池上月送我嫺南

山

山泉煎茶有懷

坐酌泠泠水看煎瑟瑟塵無由持一盃寄與愛茶人

吉祥寺見錢侍郎題名

雲雨三年別風波萬里行愁來正蕭索况見故人  
名

城上

城上藜藜鼓朝衙復晚衙爲君慵不出落盡遶城  
花



湖上夜飲

郭外迎人月湖邊醒酒風誰留使君飲紅燭在舟

中

見李蘇州示男阿武詩自感成詠

遙羨青雲裏祥鸞正引雛自憐滄海畔老蚌不生

珠

題故元少尹集後二首

以下舊編後集

黃壤詎知我白頭徒憶君唯將老年淚一洒故人

文

遺文三十軸軸軸金玉聲龍門原上土埋骨不埋

名

九日代羅樊二妓招舒著作

齊梁

羅敷歛雙袂樊姬獻一盃不見辭員外秋菊爲誰

開

遠師

東宮白庶子南寺遠禪師何處遙相見心無一事  
時

問遠師

葷羶停夜食吟詠散秋懷笑問東林老詩應不破

齊

池西亭

朱欄映晚樹金魄落秋池  
巖似錦塘夜西樓月出時

訪皇甫七

上馬行數里逢花傾一盃  
更無停泊處還是覓君來

塗山寺獨遊

野徑行無伴僧房宿有期  
山家去燕離是馬跡知

逢僧

久別偶相逢俱疑似夢中卽今歡樂事故盞又成  
空

恨詞

翠黛眉低歛紅珠淚闌銷曾來恨人意不省侶今  
朝

池窗

池晚蓮芳謝牕秋竹意深更無人作伴唯對一張  
琴

結之

歡愛今何在悲啼亦是空同爲一夜夢共過十年

中

題周家歌者

清繁如敲玉深圓似轉簧一聲腸一斷能有幾多腸

蕭庶子相過

半日停車馬何人在自家慙慙蕭庶子愛酒不嫌茶

酬裴相公見寄二絕

習靜心方泰勞生事漸稀可憐安穩地捨此欲何歸

一雙垂翅鶴數首解嘲文總是迂閒物爭堪伴相  
君

恨去年

老去猶耽酒春來不着家去年來校晚不見洛陽  
花

和微之歎槿花

朝榮殊可惜暮落實堪嗟若向花中比猶應勝眼  
花

七年元日對酒五首

慶弔經過嬾逢迎跪拜遲不因時節日豈覺此時

唐音統籤



卷四百四十六

十四

五

十

衰

衆老憂添歲余衰喜入春年開第七秩屈指幾多

人

三杯藍尾酒一櫟膠牙飴除却崔常侍無人共我

爭

今朝吳與洛相憶一欣然夢得君知否俱過本命

年

余與蘇州劉鄆中同  
壬子歲今年六十二

同歲崔何在同年杜又無余與吏部崔相公甲子  
同歲與循州杜相公及

第同年秋冬  
二人俱逝應無藏避處只有且歡娛

微之敦詩晦叔相次長逝歸然自傷因成二

絕

併失鷓鴣侶空留麋鹿身只應嵩洛下長作獨遊人

多  
長夜君先去殘年我幾何秋風滿衫淚泉下故人

嘗新酒憶晦叔二首

樽裏看無色杯中動有光自君拋我去此物共誰嘗

聽  
世上強欺弱人間醉勝醒自君拋我去此語更誰



寄李相公

漸老只謀歡，雖貧不要官。  
唯求造化力，試爲駐春看。

池上二絕

山僧對棋坐，局上竹陰清。  
映竹無人見，時聞下子聲。

小娃撐小艇，偷採白蓮迴。  
不解藏踪跡，浮萍一道開。

憑李睦州訪徐凝山人

凝卽睦州之民也

鄰守輕詩客，鄉人薄釣翁。  
解憐徐處士，唯有李郎

中

雨中訪崔十八

錢太史  
宋本補

肩昇仍挈榼莫恠就君來  
秋雨經三宿無人勸一

盃

六言絕句

臨都驛荅夢得六言二首

後集

楊子津頭月下臨都驛裏燈  
前昨日老於前日去年春  
似今年

謝守歸為秘監馮公老作郎官  
前事不須問着新詩且更吟看

唐音統籤

卷四百四十六

十六

丁

丁

丁籤九十三白居易

之四十八

唐音統籤卷

四百四十七

七言絕句一

長慶前集

春題華陽觀

觀即華陽公主故宅有傳內人存焉

帝子吹簫逐鳳凰  
空留仙洞號華陽  
落花何處堪惆悵  
頭白宮人掃影堂

大雨中贈元九

不堪紅葉青苔地  
又是涼風暮雨天  
莫怪獨吟秋思苦  
比君校近二毛年

城中閒遊

寵辱憂歡不到情  
任他朝市自營營  
獨尋秋景城

東去白鹿原頭信馬行

華陽觀桃花時招李六拾遺飲

華陽觀裡仙桃發把酒看花心自知爭忍開時不  
同醉明朝後日卽空枝

和友人洛中感春

莫愁金谷園中月莫歎天津橋上春若學多情尋  
往事人間何處不傷神

寄陸補闕

前年同  
登科

忽憶前年科第後此時雞鶴蹙同羣秋風惆悵須  
吹散雞在庭前鶴在雲

華陽觀中八月十五日夜招友翫月

人道秋中明月好欲邀同賞意如何華陽洞裏秋  
壇上今夜清光此處多

曲江憶元九

春來無伴閒遊少行樂三分減二分何況今朝杏  
園裏閒人逢盡不逢君

過劉三十二故宅

不見劉君來近遠門前兩度滿枝花朝來惆悵宣  
平過柳巷當頭第一家

下邳莊南桃花

村南無限桃花發，唯我多情獨自來。  
日暮風吹紅滿地，無人解惜爲誰開。

三月三十日題慈恩寺

慈恩春色今朝盡，盡日徘徊倚寺門。  
惆悵春歸留不得，紫藤花下漸黃昏。

看憚家牡丹花戲贈李二十

香勝燒蘭紅勝霞，城中最數令公家。  
人人散後君須看，歸到江南無此花。

戲題新栽薔薇

時尉  
兼麻

移根易地莫憔悴，野外庭前一種春。  
少府無妻春寂寞，

寂寞花開將爾當夫人

酬王十八李大見招遊山

自憐幽會心期阻復愧嘉招書信頻王事牽身去  
不得滿山松雪屬他人

縣南花下醉中留劉五

百歲幾迴同醪酎一年今日醉芳菲願將花贈天  
台女留取劉郎到夜歸

宿楊家

楊氏弟兄俱醉臥披衣獨起下高齋夜深不語中  
庭立月照藤花影下堦

醉中留別楊六兄弟

三月二十日別

春初携手春深散無日花間不醉狂別後何人堪  
共醉猶殘十日好風光

醉中歸盤屋

金光門外昆明路半醉騰騰信馬迴數月非關王  
事繫牡丹花盡始歸來

遊雲居寺贈穆三十六地主

亂峯深處雲居路共蹋花行獨惜春勝地本來無  
定主大都山屬愛山人

和王十八薔薇澗花時有懷蕭侍御兼見贈



霄漢風塵俱是繫  
薔薇花萼故山深  
憐君獨向澗中立  
一把紅芳三處心

再因公事到路口驛

今年到時夏雲白  
去年來時秋樹紅  
兩度見山心有愧  
皆因王事到山中

寺  
期李二十文略王十八質夫不至獨宿仙遊

文略也從牽吏役  
質夫何故戀囂塵  
始知解愛山中宿  
千萬人中無一人

酬趙秀才贈新登科諸先輩

莫羨蓬萊鸞鶴侶道成羽翼自生身君看名在丹  
臺者盡是人間修道人

過天門街

雪盡終南又欲春遙憐翠色對紅塵千車萬馬九  
衢上迴首看山無一人

惜玉藥花有懷集賢王校書起

芳意將闌風又吹白雲離葉雪辭枝集賢警校無  
閒日落盡瑤花君不知

重到毓材宅有感

欲入中門淚滿巾庭花無主兩迴春軒窗簾幕皆

依舊只是堂前欠一人

亂後過流溝寺

九月徐州新戰後悲風殺氣滿山河  
唯有流溝山下寺門前依舊白雲多

歎髮落

多病多愁心自知行年未老髮先衰  
隨梳落去何須惜不落終須變作絲

留別吳七正字

成名共記甲科上署吏同登芸閣間  
唯是塵心殊道性秋蓬常轉水長閒

邯鄲冬至夜思家

邯鄲驛裏逢冬至抱膝燈前影伴身  
想得家中夜深坐還應說著遠行人

感故張僕射諸妓

黃金不惜買蛾眉揀得如花三四枝  
歌舞教成心力盡一朝身去不相隨

遊仙遊山

闔將心地出人間五六年來人怪閒  
自嫌戀着未全盡猶愛雲泉多在山

見尹公亮新詩偶贈絕句

袖裏新詩十首餘  
吟看句句是瓊琚  
如何持此將  
于謁不及公鄉  
一字書

長安閒居

風竹煙松盡掩關  
意中長似在深山  
無人不怪長  
安住何獨朝朝暮暮閒

秘書省中憶舊山

厭從薄宦校青簡  
悔別故山思白雲  
猶喜蘭臺非  
傲吏歸時應免動移文

江南送北客因憑寄徐州兄弟書

時年十五

故園望斷欲何如  
楚水吳山萬里餘  
今日因君訪

兄弟數行鄉淚一封書

長安正月十五日

未應舉  
時作

誼誼車騎帝王州  
羈病無心逐勝遊  
明月春風三五夜  
萬人行樂一人愁

宿桐廬館同崔存度醉後作

江海漂漂共旅遊  
一樽相勸散窮愁  
夜深醒後愁還  
在雨滴梧桐山館秋

寒食夜月

風香露重梨花濕  
草舍無燈愁未入  
南鄰北里歌吹時  
獨倚柴門月中立

晚秋閒居

他僻門深少送迎披衣閒坐養幽情  
秋庭不掃携藤杖閒蹋梧桐黃葉行

爲薛台悼亡

半死梧桐老病身重泉一念一傷神  
手携稚子夜歸院月冷房空不見人

途中寒食

路傍寒食行人盡一作絕獨占春愁在路傍  
馬上垂鞭愁不語風吹百草野田香

題流溝寺古松

煙葉蔥蘢蒼麕尾霜皮剝落紫龍鱗欲知松老看  
塵壁死却題詩幾許人

感月悲逝者

存亡感月一潛然月色今宵似往年何處曾經同  
望月櫻桃樹下後堂前

代鄰叟言懷

人生何事心無定宿昔如今意不同宿昔愁身不  
得老如今恨作白頭翁

寄湘靈

淚眼凌寒凍不流每經高處卽迴頭遙知別後西



樓上應凭闌干獨自愁

冬至宿楊梅館

十一月中長至夜三千里外遠行人若爲獨宿楊梅館冷枕單床一病身

臨江送夏瞻

瞻年七十餘

悲君老別我霑巾七十無家萬里身愁見舟行風又起白頭浪裡白頭人

冬夜示敏巢

時在東都宅

爐火欲銷燈欲盡夜長相對百憂生他時諸處重相見莫忘今宵燈下情

及第後憶舊山

偶獻子虛登上第，却吟招隱憶中林。  
春蘿秋桂莫惆悵，縱有浮名不繫心。

題李次虛窗竹

不用裁爲鳴鳳管，不須截作釣魚竿。  
千花百草凋零後，留向紛紛雪裡看。

花下自勸酒

酒盞酌來須滿滿，花枝看卽落紛紛。  
莫言三十是年少，百歲三分已一分。

題李十一東亭

相思夕上松臺立  
蛩思蟬聲滿耳  
秋惆悵東亭風  
月好主人今夜在鄜州

重尋杏園

忽憶芳時頻酩酊  
却尋醉處重徘徊  
杏花結子春  
深後誰解多情又獨來

曲江獨行

在翰林  
時作

獨來獨去何人識  
廐馬朝衣野客心  
閒愛無風水  
邊坐楊花不動樹陰陰

同李十一醉憶元九

花時同醉破春愁  
醉折花枝作酒籌  
忽憶故人天

際去計程今日到涼州

同錢員外題絕糧僧巨川

三十年來坐對山  
唯將無事化人間  
齋時往往聞鐘笑  
一食何如不食閒

絕句代書贈錢員外

欲尋秋景閒行去  
君病多慵我與孤  
可惜今朝山最好  
強能騎馬出來無

禁中九日對菊花酒憶元九

賜酒盈杯誰共持  
宮花滿把獨相思  
相思只傍花

邊立盡日吟君詠菊詩

元詩云不是花中偏愛菊此花開盡更無花

荅張籍因以代書

憐君馬瘦衣裘薄許到江東訪鄙夫今日正開天  
又暖可能扶病暫來無

曲江早春

曲江柳條漸無力杏園伯勞初有聲可憐春淺遊  
人少好傍池邊下馬行

見元九悼亡詩因以此寄

夜淚闇銷明月幌春觴遙斷牡丹庭人間此病治  
無藥唯有楞伽四卷經

寒食夜

無月無燈寒食夜夜深猶立闌花前忽因時節驚  
年幾四十如今欠一年

杏園花落時招錢員外同醉

花園欲去去應遲正是風吹狼籍時近西數樹猶  
堪醉半落春風半在枝

同錢員外禁中夜直

宮漏三聲知半夜好風涼月滿松筠此時間坐寂  
無語藥樹影中唯兩人

禁中夜作書與元九

心緒萬端書兩紙欲封重讀意遲遲五聲宮漏初

鳴後一點窗燈欲滅時

寄陳式五兄

年來白髮兩三莖憶別君時髭未生惆悵料君應  
滿鬢當初是我十年兄

送元八歸鳳翔

莫道岐州三日程其如風雪一身行與君况是經  
年別甕到城來又出城

雨雪放朝因懷微之

歸騎紛紛滿九衢放朝三日爲泥塗不知雨雪江  
陵府今日排衙得免無

詠懷

歲去年來塵土中  
眼看變作白頭翁  
如何辦得歸山計  
兩頃村田一畝宮

酬錢員外雪中見寄

松雪無塵小院寒  
閉門不似住長安  
煩君想我看心坐  
報道心空無可看

重酬錢員外

雪中重寄雪山偈  
問答殷勤四句中  
本立空名緣破妄  
若能無妄亦無空

獨酌憶微之

時對所贈盞



獨酌花前醉憶君與君春別又逢春惆悵銀杯來  
處重不曾盛酒勸閒人

微之宅殘牡丹

殘紅零落無人賞雨打風吹花不全  
諸處見時猶悵望况當元九小庭前

酬王十八見寄

秋思太白峯頭雪晴憶仙遊洞口雲  
未報皇恩歸未得慙君爲寄北山又

和錢員外青龍寺上方望舊山

舊峯松雪舊溪雲悵望今朝遙屬君  
共道使臣非

俗吏南山莫動非山文

惜牡丹花二首

一首翰林院北廳花下作一首新昌寶賚給事中宅南亭花

作下

惆悵階前紅牡丹晚來唯有兩枝殘  
明朝風起應吹盡夜惜衰紅把火看

寂寞菱紅低向雨離披破豔散隨風  
晴明落地猶惆悵何況飄零泥土中

荅元奉禮同宿見贈

相逢俱歎不閒身直日常多齋日頻  
晚鼓一聲分散去明朝風景屬何人

夜惜禁中桃花因懷錢員外

前日歸時花正紅  
今夜宿時枝半空  
坐惜殘芳君不見  
風吹狼籍月明中

謝和元九東川路詩十二首

并序

十二篇皆因新境追惟舊事不能一一曲叙但隨而和之唯予與元微之耳

駱口驛舊題詩

拙詩在壁無人愛  
烏汗苔侵文字殘  
唯有多情元侍御  
繡衣不惜拂塵看

南秦雪

前見七言律內

山枇杷花二首

萬重青嶂蜀門口一樹紅花山頂頭春盡憶家歸  
未得低紅如解替君愁

葉如裙色碧紗淺花似芙蓉紅粉輕若使此花兼  
解語推囚御史定違程

江樓月

前見七  
言律內

亞枝花

山郵花木似平陽愁殺多情驄馬郎還似昇平池  
畔坐低頭向水自看粧

江上笛

江上何人夜吹笛聲聲似憶故園春此時聞者堪

頭白况是多愁少睡人

嘉陵夜有懷二首

露濕墻花春意深西廊月上半床陰  
憐君獨臥無言語惟我知君此夜心

不明不閉朦朧月不暖不寒慢慢風  
獨臥空牀好天氣平明間事到心中

夜深行

百牢關外夜行客三殿角頭宵直人  
莫道近臣勝遠使其時同是不閒身

望驛臺

三月三十日

靖安宅裏當窗柳，望驛臺前撲地花。  
兩處春風同日盡，居人思客客思家。

江岸梨

梨花有意緣和葉，一樹江頭惱殺君。  
最似嬌閨少年婦，白粧素袖碧紗裙。

苔山驛夢

元九悼亡  
作代苔

入君旅夢來千里，閉我幽魂欲二年。  
莫忘平生行坐處，後堂階下竹叢前。

蕭員外寄新蜀茶

蜀茶寄到但驚新，涓水煎來始覺珍。  
滿甌似乳寒

特翫况是春深酒渴人

寄上大兄

在下邳  
林居作

秋鴻過盡無書信  
病戴紗巾強出門  
獨上荒臺東  
北望日西愁立到黃昏

寄內

柔條初綠卽爲別  
柿葉半紅猶未歸  
不如村婦知  
時節解爲田夫秋擣衣

病氣

自知氣發每因情  
情在何由氣得平  
若問病根深  
與淺此身應與病齊生

歎元九

不入城中來五載同時班列盡官高何人牢落猶  
依舊唯有江陵元士曹

得袁相書

穀苗深處一農夫面黑頭斑手把鋤何意使人猶  
識我就田來送相公書

病中作

病來城裏諸親故厚薄親疎心總知唯有蔚章於  
我分深於同在翰林時

感化寺見元九劉三十二題名處



微之謫去千餘里太白無來十一年今日見名如  
見面塵埃壁上破窗前

遊悟貞寺廻山下別張殷衡

世緣未了住不得孤負青山心共知  
愁君又入都門去卽是紅塵滿眼時

病中得樊書

荒村破屋經年臥寂絕無人問病身  
唯有東都樊著作至今書信尚殷勤

開元九詩書卷

紅箋白紙兩三束半是君詩半是書  
經年不展緣

身病今日開看生蠹魚

夜坐

庭前盡日立到夜燈下有時坐微明此情不語何  
人會時復長吁一兩聲

暮立

黃昏獨立佛堂前滿地槐花滿樹蟬大抵四時心  
總苦就中腸斷是秋天

村夜

霜草蒼蒼蟲切切村南村北行人絕獨出門前望  
野田月明蕎麥花如雪

聞蟲

關蟲唧唧夜緜緜  
况是秋陰欲雨天  
猶恐愁人暫得睡  
聲聲移近臥床前

寒食夜有懷

寒食非長非短夜  
春風不熨不寒天  
可憐時節堪相憶  
何況無燈各早眠

贈內

漠漠關苦新雨地  
微微涼露欲秋天  
莫對月明思往事  
損君顏色減君年

得錢舍人書問眼疾

春來眼闌少心情點盡黃連尚未平  
唯得君書勝得藥開絨未讀眼先明

還李十一馬

傳語李君勞寄馬病來唯拄杖持身縱擬強騎無  
出處却將牽與趁朝人

九日寄行簡

摘得菊花携得酒遠村騎馬思悠悠下邳田地平  
如掌何處登高望梓州

村居

田園莽蒼經春早籬落蕭條盡日風若問經過羨

笑者不過田舍白頭翁

主昭君二首

時年十七

滿面胡沙滿髮風  
眉銷紅愁苦辛勤  
憔悴盡如今却是畫圖中

漢使却迴憑寄語  
黃金何日贖蛾眉  
君王若問妾顏色  
莫道不如宮裏時

遊城南留元九李二十晚歸

老遊春飲莫相違  
不獨花稀人亦稀  
更勸殘盃看日影  
猶應趁得鼓聲歸